

補充資料

《劫章頌》相關註解辭條

[原] 劫名次第及數量 成住壞空并始終 餘三無定不可準 故約住劫論多少

《略纂¹》卷第一：「劫時節中，唯二十住劫有增有減，可說二十。成壞空三，既無增減，准住劫量。」

[原] 人壽三十萬飢饉 七年七月七日滿 聚骨運籌多滅亡

《瑜伽》卷二：「所謂人壽三十歲時，方始建立。當爾之時，精妙飲食不可復得，唯煎煮朽骨共為讌會。若遇得一粒稻麥粟稗等子，重若末尼，藏置箱篋而守護之。彼諸有情多無氣勢，踣僵²在地不復能起。由此飢儉，有情之類亡沒殆盡。此之儉災，經七年七月七日七夜方乃得過。彼諸有情復共聚集，起下厭離；由此因緣，壽不退減，儉災遂息。」

《俱舍》卷十二：

由飢饉故，便有：聚集、白骨、運籌。

由二種因，名有聚集：一、人聚集。謂彼時人，由極飢羸，聚集而死。

二、種聚集。謂彼時人為益後人，輟其所食置於小篋擬為種子。

故飢饉時名有聚集。

言有白骨亦由二因：一、彼時人身形枯燥，命終未久白骨便現。

二、彼時人飢饉所逼，聚集白骨煎汁飲之。

有運籌言亦二因故：一、由糧少，行籌食之。謂一家中從長至幼，隨籌至日得少麤食。

二、謂以籌挑故場蘊，得少穀粒，多用水煎，分共飲之，以濟餘命。

[原] 下界既空無有情 日加四倍於常熱 溝池乾涸草木焦 二三日出江河竭
四五日現海泉盡 六七興時山石融

《瑜伽》卷二：當於此時，五趣世間居住之處，無一有情可得；所有資具亦不可得。非唯資具不可復得，爾時天雨亦不可得。由無雨故，大地所有藥草叢林皆悉枯槁。復由無雨之所攝故，令此日輪熱勢增大。又諸有情能感壞劫業增上力故，及依六種所燒事故，復有六日輪漸次而現。彼諸日輪望舊日輪，所有熱勢踰前四倍。既成七已，熱遂增七。

云何名為六所燒事？

一、小大溝坑，由第二日輪之所枯竭。二、小河大河，由第三日輪之所枯竭。

三、無熱大池，由第四日輪之所枯竭。四者大海，由第五日輪，及第六一分之所枯竭。

五、蘇迷盧山及以大地，體堅實故，由第六一分，及第七日輪之所燒然。

即此火焰為風所鼓。展轉熾盛極至梵世。

又如是等略為三事：一、水所生事。謂藥草等，由初所槁。二、即水事，由五所涸。三、恒相續

1 《瑜伽師地論略纂》，唐 窺基撰，以下簡稱《略纂》。

2 踣，音勿一弓。跌倒，顛仆。僵，音一尤，仆倒。

住體堅實事，由二所燒。

[原] 十九從多稱壞情 一劫約少唯論器

《上生經疏會古通今新抄》卷第二：「十九從多壞有情」

**[原] 下際微風方漸發 天仙唱號劫初成 如是展轉大風起 堅若金剛不可壞
傍廣算數計不及 邊際由如盤鉉形³ 深厚十六洛叉數 此下風輪世界底**

《瑜伽》卷二：自此以後有大風輪，量等三千大千世界，從下而起，與彼世界作所依持。為欲安立無有宮殿諸有情類，此大風輪有二種相，謂：仰周布，及傍側布，由此持水，令不散墜。

次由彼業增上力故，於虛空界，金藏雲興。從此降雨注風輪上。次復起風鼓水令堅。此即名為金性地輪。上堪水雨之所激注，下為風颺之所衝薄。此地成已，即由彼業增上力故，空中復起諸界藏雲。又從彼雲降種種雨。然其雨水，乃依金性地輪而住。

《俱舍》卷十一：

安立器世間 風輪最居下 其量廣無數 厚十六洛叉⁴

... (略) ...

論曰。許此三千大千世界如是安立，形量不同，謂諸有情業增上力，先於最下依止虛空，有風輪生廣無數，厚十六億踰繕那。如是風輪，其體堅密。假設有一大諾健那⁵，以金剛輪奮威懸擊，金剛有碎，風輪無損。

[原] 光音天下金藏雲 遍覆風輪大千界 鳴雨滴瀝如車軸 注水滂淋滿界中

《俱舍》卷十一：

又諸有情業增上力。起大雲雨澍風輪上。滴如車軸積水成輪。如是水輪於未凝結位，深十一億二萬踰繕那。如何水輪不傍流散？有餘師說：「一切有情業力所持，令不流散，如所飲食未熟變時，終不流移墮於熟藏。」有餘部說：「由風所持令不流散，如箒⁶持穀。」

[原] 下八洛叉餘水凝 金剛厚三億二萬 廣闊四倍多增量 十二三千四百半

3 《上生經疏會古通今新抄》卷二：「邊際『猶』如盤『掾』形」。經查詢字辭典，應以「邊際『猶』如盤鉉形」較正確。鉉，音ㄊㄩㄣˊ，即古代鼎爐的兩側耳朵形之物，用來將鼎扛提起。詳細圖樣可以 google 圖片搜索關鍵字「鼎鉉」，即可得知其相貌。

4 【落叉】（雜語）Lakṣa，又曰洛叉、洛沙。數量名，十萬也。如意輪陀羅尼經曰：「一落叉。唐云十萬數也。」玄應音義二十三曰：「落叉又言洛沙。此當十萬，一百洛沙為一俱胝。」密教設淺深二教，淺略釋以為十萬之數量，深釋以為見照或成就之義。大日經疏十七曰：「落叉者，若淺略說是十萬遍。今此不爾，落叉是見也。若見實之時，此真言行即得終竟，不然無有中息之義，非如世持誦者劑（齊）爾所。（中略）亦是成就義也。行者心住三昧得見本尊，寂止正定，假使妙高山王崩壞震動，尚不能間動其心。（中略）又落叉是塚義（塚，音ㄉㄨㄛˇ，箭靶子），如射中齊（此同「臍」，音ㄑㄩㄟˊ，中央）也。如首楞嚴文殊經習射義，若住諦理任運相應，是落叉義也。」大日經疏二十曰：「三落叉是數，數是世間也。出世間，落叉是見三相（三平等實相），謂：字、印、本尊。」

5 【諾健那】（神名）Niragraṅṛha，又作茶健那，諾伽那。梵音 Nagna 譯曰露身。裸形，有大力。好戰。即大力神也。

6 【箒】，音ㄉㄨㄛˇ，竹製圓形的穀倉。

皆踰繕那量應知 水輪寬量亦如是

《俱舍》卷十一：

下八洛叉水 餘凝結成金 此水金輪廣 徑十二洛叉 三千四百半 周圍此三倍
...(略)...

有情業力感別風起。搏擊此水上結成金。如熟乳停上凝成膜。故水輪減唯厚八洛叉。餘轉成金。厚三億二萬。二輪廣量其數是同。謂徑十二億三千四百半。周圍其邊數成三倍(約為圓周率之倍數: 3.1415926...)。謂周圍量成三十六億一萬三百五十踰繕那。

[原] 復注雨水增深廣 空居次第從上成 大風鼓擊成山地 妙高七金清水成
諸餘山地濕濁成 七山內水悉甘美 四洲外海水鹹滷 山地麤妙有差殊

《瑜伽》卷二：

次復起風鼓水令堅，此即名為金性地輪；上堪水雨之所激注，下為風颳之所衝薄。此地成已，即由彼業增上力故，空中復起諸界藏雲。

又從彼雲降種種雨；然其雨水，乃依金性地輪而住。次復風起，鼓水令堅。即由此風力所引故，諸有清淨第一最勝精妙性者，成蘇迷盧山。此山成已，四寶為體，所謂：金、銀、頗胝、琉璃。

若中品性者，成七金山，謂：持雙山、毘那吒迦山(吒，音ㄓㄛˇ)、馬耳山、善見山、竭達洛迦山(竭，音ㄍㄟˊ)、持軸山、尼民達羅山。如是諸山，其峯布列，各由形狀差別為名，繞蘇迷盧次第而住。

蘇迷盧山高八萬踰繕那，廣亦如之，下入水際量亦復爾。又持雙山等彼之半。從此次第，餘六金山，其量漸減，各等其半。

若下品性者，於蘇迷盧四邊七金山外，成四大洲，及八中洲，并輪圍山。此山輪圍四洲而住，量等尼民達羅之半。

復成非天宮殿，此宮在蘇迷盧下，依水而居。

復成大雪山，及無熱池周圍崖岸。

次成最下八大那洛迦處、諸大那洛迦，及獨一那洛迦、寒那洛迦、近邊那洛迦。

復成一分鬼傍生處。

四大洲者，謂：南瞻部洲、東毘提訶洲、西瞿陀尼洲、北拘盧洲。其瞻部洲，形如車箱。毘提訶洲，形如半月。瞿陀尼洲，其形圓滿。北拘盧洲，其形四方。瞻部洲量，六千五百踰繕那。毘提訶洲量，七千踰繕那。瞿陀尼洲量，七千五百踰繕那。拘盧洲量，八千踰繕那。


又七金山，其間有水，具八支德，名為內海。

[原] 無間有情一增減 龍王受報亦同然

《俱舍》卷十一：無間地獄壽一中劫。傍生壽量多無定限。若壽極長亦一中劫，謂難陀等諸大龍王。故世尊言：「大龍有八⁷，皆住一劫能持大地。」

7 【八龍王】瑜伽二卷：「有八大龍，并經劫住。謂持地龍王、歡喜近喜龍王、馬騾龍王、目支隣陀龍王、意猛龍王、持國龍王、大黑龍王、鬻羅葉龍王。是諸龍王，由帝釋力，數與非天共相戰爭。」法華經序品曰：「有八龍王：難陀龍王 Nanda、跋羅陀龍王 Upananda、娑伽羅龍王 Sāgara、和修吉龍王 Vāsuki、德叉迦龍王 Takṣaka、阿那婆達多龍王 Anavatapta、摩那斯

須彌山圖



須彌山圖 (出自 CBETA 《大佛頂首楞嚴經疏解蒙鈔》卷第十)

龍王 Manasvin、優鉢羅龍王 Utpalaka，等各與若干百千眷屬俱。」